



Broj: 16-12-16-2-2713-9/16
I. Sarajevo, 23. 05. 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12) i člana 70. Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke broj 16-12-16-2-2713/16 od 19.05.2016. godine, u postupku javne nabavke usluga pregleda naoružanja za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u pregovaračkom postupku bez objave obavještenja za dostavljanje ponude za javnu nabavku usluga pregleda naoružanja

Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-2713/16 od 19.05.2016. godine i ugovor za pružanje usluga pregleda naoružanja (597 pištolja marke "GLOCK") za potrebe Državne agencije za istrage i zaštitu, dodjeljuje ponuđaču "KM TRADE" d.o.o. Visoko, ponuda broj 16-12-16-2-2713-8/16 od 18.05.2016. godine, za ponuđenu cijenu od 10.435,50 KM bez uračunatog PDV-a.

Član 2.

Prijedlog ugovora o javnoj nabavci dostavit će se na potpis izabranom ponuđaču "KM TRADE" d.o.o. Visoko, po proteku roka od 15 dana, računajući od dana kada je ponuđač obaviješten o izboru najpovoljnije ponude.

Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 4.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđaču koji je učestvovao u postupku nabavke

Član 5.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga pregleda naoružanja (597 pištolja marke "GLOCK") za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-2-2713-1/16 od 12.04.2016. godine, procijenjene vrijednosti 10.500,00 KM bez uračunatog PDV-a, za šta su novčana sredstva predviđena u okviru budžetskih sredstava za 2016. godinu.

Komisija II za provođenje postupka nabavke (u daljem tekstu: Komisija), dostavila je Izvještaj o radu broj 16-12-16-2-2713/16 od 19.05.2016. godine sa preporukom o izboru najpovoljnijeg ponuđača u pregovaračkom postupku bez objave obavještenja za javnu nabavku usluga pregleda naoružanja za potrebe Agencije.

Na osnovu dostavljenog Izvještaja o radu Komisije, utvrđeno je da se odabir ponuđača u postupku javne nabavke usluga pregleda naoružanja Agencije vrši u tri faze i to:

- Faza br. 1 - kvalifikacija i zahtjev za učešće u pregovaračkom postupku (početna ponuda);
- Faza br. 2 - pregovarački postupak i
- Faza br. 3 - dostavljanje i ocjenjivanje konačne ponude.

Agencija je aktom broj 16-12-16-2-2713-3/16 od 22.04.2016. godine uputila Poziv za dostavljanje zahtjeva za učešće u pregovaračkom postupku bez objave obavještenja o javnoj nabavci usluga pregleda naoružanja zajedno sa Tenderskom dokumentacijom ovlaštenom serviseru "KM TRADE" d.o.o. Visoko.

Obzirom da je pozivom za dostavljanje zahtjeva za učešće u pregovaračkom postupku bez objave obavještenja i tačkom 21. Tenderske dokumentacije navedeno, da je rok za dostavljanje zahtjeva za učešće u pregovaračkom postupku (početne ponude) 05.05.2016. godine do 12,00 sati, te da se ponuda dostavlja u zatvorenoj koverti, Komisija je dana 05.05.2016. godine u 13,00 sati izvršila otvaranje ponuda, gdje je utvrđeno da je blagovremeno dostavljena jedna početna ponuda, uredno zapečaćena, kako slijedi:

Redni broj.	Naziv ponuđača	Ukupna cijena (bez PDV-a)
1.	"KM TRADE" d.o.o. Visoko	11.595,00 KM

Komisija je nakon otvaranja dostavljene početne ponude, postupak nastavila u smislu pregledanja dokumentacije priložene uz dostavljenu početnu ponudu, a u cilju utvrđivanja kvalifikovanosti ponuđača za učešće u pregovaračkom postupku shodno uslovima navedenim u Tenderskoj dokumentaciji.

Uvidom u sadržaj dostavljene početne ponude ponuđača "KM TRADE" d.o.o Visoko, Komisija je utvrdila da ponuđač "KM TRADE" d.o.o Visoko ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, te ekonomske i finansijske sposobnosti navedene u Tenderskoj dokumentaciji. Dana 10.05.2016. godine, Komisija je dostavila poziv ponuđaču za pregovore u okviru Faze br. 2, koji su održani dana 13.05.2016. godine u terminu od 13,00 do 13,30 sati. Kako cijena ponude ponuđača "KM TRADE" d.o.o. Visoko u iznosu od 11.595,00 KM bez uračunatog PDV-a premašuje procijenjenu vrijednost nabavke koja iznosi 10.500,00 KM bez uračunatog PDV-a, to je predsjedavajući Komisije II zatražio od ovlaštenog predstavnika ponuđača da razmotri mogućnost odobravanja popusta, kako bi se cijena konačne ponude uklopila u procijenjenu vrijednost nabavke i budžetska sredstva koja je ugovorni organ predvidio za predmetnu nabavku, o čemu je sačinjen Zapisnik i dostavljen ponuđaču.

Na poziv Komisije za dostavljanje konačne ponude, ponuđač "KM TRADE" d.o.o. Visoko je blagovremeno dostavio konačnu ponudu prema kojoj je na ukupnu vrijednost ponude u iznosu od 11.595,00 KM bez uračunatog PDV-a, dat popust od 10% u iznosu - 1.159,50 KM, tako da ukupna cijena konačne ponude sa popustom iznosi 10.435,50 KM, na koju je dodat PDV u iznosu od 1.774,04 KM, tako da ukupna vrijednost konačne ponude iznosi 12.209,54 KM sa uračunatim PDV-om.

Nakon provedenog postupka ocjenjivanja dostavljene ponude, Komisija je utvrdila da ponuda ponuđača "KM TRADE" d.o.o. Visoko ispunjava kvalifikacione uslove u pogledu njegove lične sposobnosti, ekonomske i finansijske sposobnosti, te tehničke i profesionalne sposobnosti navedene u Tenderskoj dokumentaciji, te je dala preporuku da se u skladu sa članom 64. stav (1) Zakona, u postupku javne nabavke usluga pregleda naoružanja (597 pištolja marke "GLOCK") za potrebe Agencije, ugovor dodijeli ponuđaču "KM TRADE" d.o.o. Visoko, za ponudenu cijenu od 10.435,50 KM bez uračunatog PDV-a, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču,
- Sektoru za mat.-fin. poslove,
- a/a.

